





FAAOSOFIA I LE FAAMOEMOE

Lesona 7, Me 18, 2024



"O lea aso e faapea ai: 'Faauta, o lo tatou Atua lenei; ua Ia faaolaina foi i tatou; o Ieova lava lenei, sa tatou faatalitali ia te Ia; tatou te fiafia ma olioli i Lana faaolataga, '" (Isaia 25:9)



A'ō faaalua mai faavaloga o mea e tutupu, sa amata ona suesueina ma talaiina e tagata o le lalolagi atoa le uiga o o le Afio Faalua mai o Iesu ua lata mai.

Sa i ai i latou nei, Johann Albrecht Bengel (1687-1752), i Siamani; Manuelu Lacunza (1731-1801), i Chile; Viliamu Mila (1782-1861), i Amerika i Matū; Iosefa Wolf (1821-1845), o le na avea le feau i Aferika, Aikupito, Abyssinia, Asia, Palesitina, Suria, Peresia, Uzbekistan ma Initia.

Oi latou, ma nisi o loo tusia, na latou faia le faaiuga lava lea e tasi: o le a toe afio mai Iesu i le ogatotonu o le -19th seneturi!

 **O le Afio Faalua Mai :**

 **O le manuia o le faamoemoe i tala atu**


 **O le a faapefea ona afio mai Iesu?**

 **Viliamu Mila:**

 **Le auala e faamatalaina ai le Tusi Paia.**

 **O le taimi faavalō'aga.**

 **O le valo'aga i le 2,300 aso.**

The image depicts a religious scene. In the upper half, a large group of angels with white wings and golden halos surrounds a central figure, likely the Virgin Mary, who is dressed in a blue and white robe. They are set against a background of soft, colorful clouds in shades of purple, blue, and pink. In the lower half, a diverse crowd of people is shown from behind, many with their arms raised in a gesture of praise or prayer. The overall atmosphere is one of divine presence and communal worship.


O LE AFIO FAALUA MAI

O LE MANUIA O LE FAAMOEMOE I TALA ATU

“O faatalitali atu i le faatuatuaga e manuia ai, o le faaalua lea o le pupula o le Atua silisili, o lo tatou Faaola o Iesu Keriso lea;” (Tito 2:13)

Talu ai na folafola mai e Iesu e toe afio mai (Ioane 14:1-3), o le faamoemoe lea o tagata talitonu uma e oo mai i le aso nei (Tito 2:13).

O lenei faamoemoe o loo atagia mai i nei talitonuga uma a le Ekalesia Katoliko Roma ma le Ekalesia a le Orthodox; o loo faapea foi ona a’oa’oina e le Ekalesia Anglican; ma sa a’oa’oina atu foi ia Luteru, Kalavini ma nisi o le au toefuata’ina.



O le a se mea ua avea ai le Afio Faalua Mai o Iesu o se mea o loo faatalitali atu i ai ma le faanaunauta’i?



O faailoga ia o le iuga o ma’i, puapuaga, ma le oti



O lona uiga o le mutaaga lea o le mativa, amioletonu ma le sauaina



E muta ai misa ma fetau’iga, o feteena’iga ma taua



Tatalaina faitotoa i se lalolagi o le filemu, fiafia ma se mafutaga e faavavau faatasi ma le Atua

O LE A FAAPEFEA ONA AFIO MAI IESU?

“Aua e pei ona emo mai o le uila i sasae, ma malamalama atu i sisifo; e faapea foi ona sau o le Atalii o le tagata.” (Mataio 24:27)

I le 19th seneturi, na faasesēina ai e le au Porotesano a’oa’oga faavae o le Afio Faalua Mai e ala i le a’oa’o atu e faapea, o le a faatuina e Iesu se malo faalelalolagi o le afe tausaga o le filemu, pe o le a i ai foi se vaitaimi o le afe tausaga o le filemu a’o le’i oo i le Afio Faalua Mai.

Peita’i, na aoaoina e le au toefuata’ina o le meleniuma o le muamua atu i le Afio Faalua Mai, ma o le a faapea:



E moni lava . “Ou te vave alu atu” (Faaaliga 22:20)




E vaai . “E iloa atu o la e mata o tagata uma” (Faaal. 1:7; Mataio 24:27)



Faalogo. “Aua e afio ifo mai le lagi le Alii lava ma le alaga, ma le leo o le agelu sili, ma le pu a le Atua” (1Tes. 4:16; 1Korinito 15:52)



Mamalu. E toetutu mai ai e ua oti ma le ola pea, e liua foi i tatou. E aveina ae i tatou ia faatasai ma le Alii (1Tes. 4:13-18; 1Kor. 15:51-55)





VILIAMU
MILA

O LE AUALA E FAAMATALAINA AI LE TUSI PAIA


“Aua o loo i ai le upu ma le upu, o le upu ma le upu; o le vavao ma le vavao, o le vavao ma le vavao; o sina mea itiiti iinei ma sina mea ititi iina.” (Isaia 28:10)

E tusa ai ma upu a Isaia (Isaia 28:9-10), na filifili Viliamu Mila ia avea ia lava o le faamatalaupu o le Tusi Paia.

E amata mai i le Kenese, na ia suesueina mau uma o le Tusi Paia. Pe afai e le manino lona uiga, ona ia saili lea mo se tali i nisi mau o le Tusi Paia.

I lenei auala, na faamalamalamaina ai ia te ia e le Agaga Paia ia te ia se'ia oo ina manino le tatalaina o le Tusi Paia i ona luma.

Ina ua ia oo atu i fuaitau faavaloaga, na ia iloa ai o le mataupu faavae lava lea e tasi e mafai foi ona faaaogaina:



O le faaaogaina o nei mataupu faavae, na faate'ia ai Mila e ala i mea na ia mauaina.



O manu feai o loo faatusaina lea i malo (Tanielu 7:17, 23)




O le matagi o loo faatusaina i le faatafunaina (Ieremia 49:36)




O vai o loo faatusaina i le motu o tagata (Faaaliga 17:15)



O le fafine o loo faatusaina i ai le ekalesia (Esekielu 23:4; 2Korinito 11:2)



E tusa le aso ma le tausaga (Numera 14:34; Esekielu 4:6)





O LE TAIMI FAAVALOAGA

“Ona faapea mai lea o ia ia te a’u, “Se’ia atoa afiafi ma taeao e lua afe ma le tolu o selau, ona faapaiaina ai lea o le malumalu”” (Tanielu 8:14)

Pe a mafaufau i ai i le taimi o Mila, sa ia manatu ai o le faauigaina o le valoaga, o le faamamaina lea o le malumalu i le Lalolagi (Tanielu 8:14) lea foi ua faailoa mai ai ma le taimi o le Afio Faalua Mai o Iesu.

Na ia matauina le faamatalaina auiliili e Kaperielu o le faaaliga uma ia Tanielu:



O le mamoe po’a = Metai ma Peresia (Tanielu 8:20)



O le ‘oti taufulufulua = Eleni (Tanielu 8:21a)



O le nifo na gau = O Alesana ma ona sui (Tanielu 8:21b-22)



O le nifo ititi = O vaega faaupufai ma tapuaiga i Roma (Tanielu 8:23-25)




Peitai, o le 2,300 sa le’i faamatalaina i le taimi lea (Tanielu 8:26-27).

I tausaga mulimuli ane na toe auina mai ai Kaperielu ina ia faamatalaina lea lava vaega ia Tanielu (Tanielu 9:21-23). Sa ia faamatalaina e i ai se vaitaimi ua atofaina poo le a “vavaeeseina” ma o le a afua mai i le taimi e “oo atu ai le poloaiga ia toe faia ma ia atiina a’e Ierusalem” (Tanielu 9:24-25). Pe anafai e maua e Mila lenei faamatalaga, o le a ia mauaina foi le amataga o le 2,300 aso/tausaga ma lona uiga moni.

O LE VALO'AGA I LE 2,300 ASO

"O oe foi Esera e, ia e tofia, e tusa ma le poto o lou Atua o ia te oe, o faamasino ma faatonu, latou te faatonuina atu i le nuu uma oi tala atu o le vaitafe, oi latou uma o e iloa le tulafono a lou Atua; oi latou foi o e le iloa, ia e a'oa'o atu ia te'i latou" (Esera 7:25)




I le 7 tausaga o Aretaseta le tupu o Peresia, na tuuina atu ai se poloa'iga mo Esera, ina ia alu i Ierusalema e faamae'a le toe faaleleia o le aai (Esera 7:7, 11-14, 20-21, 24- 25). O le tausaga lava lea e 457 TLM

Faapei ona faailoa mai i le valoaga o le 70-vaiasosa, ia toe faia ma ia atiina'ae Ierusalema, e 49 tausaga ma isi tausaga e 434 e mavae atu ona oo mai lea o le Mesia le Alii (Tanielu 9:25). I totonu lava o le 70 vaiasosa na papatisoina ai Iesu i le TA 27, ma na faaiuina le 70 vaiasosa i le TA 34 lea na oti ai foi Setefano.

I le tuufaatasia o lenei kalena faavaloga, na faaiuina e Mila o le Afio Faalua Mai o Iesu o le a tupu i se taimi o le tausaga e 1843.

Ina ua maua mulimuli ane ona sa le'i manatu i ai, i le talafaasolopito, e leai se tausaga "0", o lea sa ia manatu loa o le a afio mai Iesu i le tausaga e 1844.



O LE VALO'AGA O LE 2,300 ASO

"Ua atofaina vaiasosa e fitugafulu i lou nuu ma lau aai paia" (Tanielu 9:24)

"Seia atoa afiafi ma taeao e lua afe ma le tolu o selau, ona faapaiaina ai lea o le malumalu."



“O se tasi o upumoni e sili ona paia ma e sili atu foi ona mamalu, o loo faaalua mai i le Tusi Paia o le afio faalua mai lea o Keriso, ina ia faaatoatoaina le galuega tele o le togiola. O tagata malaga o le Atua, ua leva ona tuua e aumau i lea “itulagi ma le ata o le oti,” ua tuuina mai ai se faamoemoe taua ma le olioli e faafiafiaina ai i le folafolaga o Lona faali mai, o Ia o le “toetu ma le ola,” e “toe aumaia i aiga ona tagata sa faaunuua.” O le a’oa’oga faavae o le toe afio faalua mai o se manatu autu lea o Tusitusiga paia.”

EGW (The Great Controversy, pg. 299)



“E tasi lava le mea e ao ona tatou faia i le aso nei. O le asō e tatau ai ona tatou faamaoni i lo tatou faatuatuga. O le aso nei ua tatau ai ona tatou alolofa atu i le Atua ma le loto atoa i o tatou tua’oi ia faapei oi tatou lava. O le aso nei ua tatau ai ona tatou tetee atu i faaosoosoga a le fili, ma o le alofa tunoa o Keriso e maua ai lo tatou manumalo. Ia faapea ona tatou mataala ma faatalitali mo le afio mai o Keriso. O aso ta’itasi e tatau ai ona tatou ola e peisea’i ua tatou iloa o le a avea le aso nei ma o tatou aso mulimuli i lenei lalolagi. Pe ana fai tatou te iloa o le a afio mai Keriso a taeao, faamata o le a le faatumuina ea i tatou i upu agalelei uma i le aso nei, o galuega uma ma le le manatu faapito, sa mafai ona tatou faia?”